

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KT 0024205 23  
Sarajevo, 01.02.2024.godine

SUD BOSNE I HERCEGOVINE  
- Sudiji za prethodno saslušanje –  
S A R A J E V O

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

## О П Т У Ж Н И Ц У

PROTIV:

DAMIRA KADRIĆA zvanog „Damke“ i „Dačo“, [REDACTED]  
rođenog 1996. godine u Minhenu, SR Njemačka,  
[REDACTED]  
državljanina BiH,

Što je:

Dana 03.05.2023.godine, u jutarnjim satima, na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, znajući da ne ispunjavaju uslove za zakoniti boravak na području BiH, protivno članu 6. Protokola protiv

Tužilaštvo - Tužiteljstvo Bosne i Hercegovine, ul. Kraljice Jelene br. 88, Sarajevo;  
Telefon: ++ 387 33 483 700; Fax ++ 387 33 707 463; e-mail: info@tuzilastvobih.gov.ba

krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala („Sl. glasnik BiH“, broj: 37/02), u namjeri sticanja protivpravne imovinske koristi sa njemu poznatim licem dogovorio da preveze ukupno pet stranih državljana, koji su prokrijumčareni sa područja Republike Crne Gore u Bosnu i Hercegovinu, na način da se dovezao na teritoriju općine Čajniče, gdje je primio krijumčarena lica u putničko motorno vozilo marke „GOLF 5“, registarskih oznaka: [REDAKTIRANO] i to ukupno pet stranih državljana Bangaldeša: [REDAKTIRANO], koji su u namjeri da ilegalno oputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koje su prešle nezakonito državnu granicu između Crne Gore i Bosne i Hercegovine, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli („Sl. glasnik BiH“, broj: 53/09, 54/10 i 47/14), i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima („Sl. glasnik BiH“, broj: 88/15), te iako je Damiru Kadriću bilo poznato da se radi o krijumčarenim licima, po prethodnom dogovoru sa njemu poznatim licem, primio ih i povezao u putničkom motornom vozilu marke „GOLF 5“, da bi dana 03.05.2023. godine oko 09:00 sati, prouzrokovao saobraćajnu nezgodu u [REDAKTIRANO] općina Foča, nakon čega je naredio krijumčarenim migrantima da napuste vozilo i udalje se u obližnju šumu, da bi isti bili pronađeni od strane pripadnika PU Foča.

**Dakle**, prevezio krijumčarena lica u Bosni i Hercegovini, omogućivši na taj način boravak krijumčarenim licima u BiH,

**Čime je** počinio krivično djelo Krijumčarenje ljudi iz člana 189. stav 2. KZ BiH.

**T U Ž I L A C**  
**TUŽILAŠTVA/TUŽITELJSTVA BiH**